



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 214. Quid addendum sit circa potestatem approbandi.

urn:nbn:de:hbz:466:1-42624

ritò desideretur major ad approbationem perpetuam: si prudenter timeatur, ne habitâ semel perpetuâ approbatione negligat studium: ad probandum, an principia generalia bene applicet in praxi, vel an non sit fortè heteroclitus, nimum laxus vel rigidus. Negari non potest ex hoc, quòd approbandus jurare nolit se non u-
furum certis opinionibus probabilibus, quia hæc conditio est irrationabilis & insolita, *Pignat. t. 8. conf. 15.*

1493

§. 8. Fieri potest solis verbis, *Lugo n. 26.*, at expedit fieri scripto, ut certius constet de ea & de modo, quo concessa est.

1494

Q. 214. Quid addendum sit circa potestatem approbandi. R. seqq. §. 1. Nuntium Apostolicum posse quoscumque Sacerdotes pro sua Provincia approbare, tenent multi: Tuschus v. Legatus concl. 158. ait: Legatus Apostolicus in sua Provincia habet ordinariam jurisdictionem. Quidquid potest Episcopus in sua Diœcesi respectu jurisdictionis, potest Legatus in sua Provincia, hoc excepto, quòd Capitulum potest alienare cum consensu Episcopi, non Legati. Similiter loquuntur Azor p. 2. l. 5. c. 27. q. 5. Barbosa in Collect. ad l. 1. tit. 30. ad Cap. Cum non ignoretis. n. 2. Gonz. ad Reg. 8. Cancell. Gl. 25. nu. 15. Rebuff. Praxi benef. tit. De union. num. 24. Pirhing l. 1. t. 30. n. 4. Wagner. in Decret. l. 1. tit. 30. ad c. 1. Nota 2. Idem tenent Averſa De Sacram. q. 46. s. 6. n. 7. Pontius De Matr. l. 5. c. 10. n. 7. Sannig ad l. 1. tit. 30. Viva De Jubil. q. 9. a. 4. Hinc inferunt Gob. & Less. in Auët. v. Confessarius casu 1. Nuntium posse Superiori regulari communicare potestatem approbandi, cum potestas illa sit ipsi ordinaria. Similiter docet Pelliz. t. 6. c. 2. n. 81. Legatum

tum à latere non tantum posse approbare ad audiendas confessiones in sua Provincia, sed etiam dare facultatem absolvendi à reservatis Episcopo, quamvis addat non expedire, ut id sæpius faciat, ne offendantur Episcopi & contemnantur reservationes. Contra hæcenus dicta dicit *Pignatelli* tom. 2. consult. 1. Nuntium non posse approbare ad audiendas confessiones, nec quosvis ordinare de sua Provincia &c. eò quod ista per *Trid.* reserventur seu specialiter committantur potestati Episcoporum, pro quo adducit declarationes, quæ an authenticæ sint, rescire non possum, scient Nuntii ista facientes, quid possint: Et ex dicendis n. 1533. colligetur Nuntios in Germania & cum eis Sacram Pœnitentiarum censuisse, quod eis competat ordinaria potestas approbandi etiam Regulares in sua Provincia.

§. 2. Episcopus electus & confirmatus, quamvis eon consecratus, approbare potest, quia approbatio non est actus Ordinis sed jurisdictionis, *Lugo* d. 21. n. 27. Si Episcopus sit excommunicatus, *Boss.* & *Tamb.* putant adhuc posse approbare, eò quod approbatio sit tantum iudicium & simplex testificatio Episcopi, prout est talis persona superior, qualis in excommunicatione videtur manere: sed *Aversa*, *Pontius* c. 17. & alii probabilius dicunt non posse, si sit excommunicatus non toleratus, quia approbatio videtur esse actus Episcopi, prout Episcopus est, requirens jurisdictionem, quam non habet talis excommunicatus.

§. 3. Ideo Sedes vacans approbare potest, quia quoad hoc habet facultatem Episcopi. Ideo convenit Vicarium in Spiritualibus habere

H. h. 2

bere

1495

1496

bere potestatem approbandi, quia habet potestatem ordinariam, faciens unum cum Episcopo tribunal. Vide *Leur.* De Vicario q. 134.

1497

§. 4. Illi Abbates habent jurisdictionem quasi Episcopalem in ordine ad approbandum, qui habent Dioecesin aliquam nulli Episcopo subjectam; aut saltem secundum *Sanch.*, qui solent laicos Matrimonio jungere, super eorum votis dispensare, visitare Parochias, excommunicare &c. Quamvis enim *Trid.* deroget omnibus privilegiis datis ad declinandum examen Episcoporum, tamen ejusmodi Abbates respectu Sacerdotum sæcularium Ecclesiis sibi subjectis præficiendorum veniunt nomine Episcoporum, quia quoad potestatem sunt Episcopi, *Suar. Henriq. Præpos. Sanch. Gob. &* alii cum *Sylvio* p. 2 v. *Confessarius*.

1498

§. 5. Quamvis Parochus possit simplici Sacerdoti non approbato delegare jurisdictionem administrandi reliqua Sacramenta, *Barb. Possev. Leur.* in Foro benef. p. 1. q. 435. nu. 1. §. & seqq. tamen non potest approbare aut tali delegare potestatem ad audiendas suorum confessiones, quia hoc est Episcopi seu Ordinarii, *Lugo* n. 6. *Leur.* n. 4. Et sine jurisdictione ab Ordinario vel à Parocho, saltem tacitè, delegatà non posset alius Parochus illius parochianum audire, communis cum *Leur.* n. 3.

1499

§. 6. Videtur dicendum, quòd etiam Archidiaconi aut Præpositi, per se loquendo & ex vi officii, non habeant potestatem approbandi; unde si alicubi faciant, id erit ex delegatione Episcoporum, qui semper possint revocare.

1500

§. 7. Ordinarius extra Dioecesin suam existens potest approbare, quia hic actus non est juris;

jurisdictionis contentiosæ, quæ exigat exerceri in proprio tribunali, si d voluntariæ, quæ extra proprium territorium communiter exerceri potest. Putat tamen *Lugo* in Resp. mor. l. 1. dub. 17. Episcopum Antverpiensem existentem Namurci non posse approbare Sacerdotem Namurcensem pro sua Diœcesi Antverpiensi, quia Namurci existens non est ullo modo Ordinarius vel Superior respectu Sacerdotis Namurcensis, qualis esse posset saltem ratione loci, si cum illo esset in Diœcesi Antverpiensi, ubi ipse est Ordinarius.

§. 8. Si Titius approbatus tantum pro Antverpia, Namurci audiat Cajum Namurcensem habentem ab Episcopo Namurcensi licentiam eligendi quemcunque Confessarium, videtur posse validè absolvere, quia hoc ipso, quod Episcopus Namurcensis det Cajo istam licentiam, vult quemcunque Confessarium habere jurisdictionem & approbationem pro Cajo absolvendo, neque licentiam suam restrinxit ad Confessarium à se approbatum, sed extendit ad quemcunque Confessarium approbatum, Titius autem est Confessarius simpliciter approbatus, quia approbatus est Antverpiæ. E contra tamen, si Titius Namurci audiat Sempronium habentem ab Episcopo suo Leodiensi licentiam eligendi quemcunque Confessarium, Titius invalidè absolveret, quia ab Episcopo Antverpiensi non est nisi pro Antverpia approbatus, & Episcopus Leodiensis non potuit approbare Titium, utpote nullo modo subjectum nequidem ratione loci, in quo audit: à Namurcensi autem Episcopo, ubi audit, etiam nullo modo censeretur approbatus, ergo.

Hhh 3

Q. 215.